

Nunatsinni Poortukkat

POST Greenlandip Niuernermi piumasaqaatai 1. maaji 2019-imeersut

Niuernermi piumasaqaatit uku Nunatsinni Poortukkanik nassiussinernut atuupput. Niuernermi piumasaqaatinut tapiliussatut, Allakkerineq pillugu Inatsisartut inatsi- saanni nr. 3, 15. april 2011-meersumi malittarisassat kiisalu POST Greenlandip allakkanik ingerlatssisarnermi pisussaaffii kisermaassisussaataitaneralu il.il. pillugit Namminersorlutik Oqartussat nalunaarutaat nr. 9, 24. juni 2011-meersuq aamma atuupput.

Nunatsinni Poortukkat tassaapput poortukkat POST Greenlandimut tunniunneqar- tut Kalaallit Nunaanni tiguisissanut nassiunneqartussat.

1. POORTUKKAT (A-T)

1.1 Kiffartuussinermi pitsaassutsikkullu anguniakkat Poortukkat (A-t) nalinginnaasumik ingerlanneqartarput timmisartukkut siullikkut, angallassisartullu avataaneersut atorineqartarput. Timmisartuni ilaasunik angallas- sissutini Poortukkat (A-t) inissaqartillutik ilaatinneqartarput – Poortukkallu (A-t) timmisartukkut nassiussanit tamatigut salliutinneqartarput.

Pisut ilaanni Poortugaq timmisartukkoortussaq (A) umiarsuakkoortillugu pilertor- nerusumik ingerlanneqarsinnaasarpog.

Poortukkanik (A-nik) aatsisoqarneq ajorpoq, tiguisussamulli nalunaarutigineqar- tarlutik.

Poortukkat (A-t) tikinneranniit kingusinnerpaamik akunnerit sisamat qaan- giunneranni nalunaarutigineqartarput, imaappog tiguisissanut postbokselinnut ullormi tikiffianni imaluunniit kingusinnerpaamik aqaguani ullup qeqqata siorna. Tiguisissanut postbokseqanngitsunut nalunaarneq Allakkanut (A-nut) tiguisussamik pissaaq. Poortukkat (A-t) isumaqatigiittoqarneratigut aammalu akiliuteqarnikkut tiguisussamut ingerlanneqarsinnaapput. Illoqarfigisap iluani Poortukkat akeqartinneqarput Poortukkatut Økonomi- postpak- ke-tut (B - umiarsuakkoortut). Allakkerivinni bokselinnut Poortukkat, allakkerivim- mut ulluinnarni nal. 15.00 sioqqullugu tunniunneqartut, boksemut ulloq taanna nalunaarutigineqartarput. Tiguisissanut postbokseqanngitsunut illoqarfigisap iluani Poortukkanik nalunaarutiginninnermi, Allakkanut (A-nut) periaaseq atorineqartarpoq.

Illoqarfinni nunaqarfinnilu POST Greenlandip allakkeriveqarfiginngisaani Poortukkat POST Greenlandip suleqatigisaanut aaneqarsinnaapput.

1.2 Poortukkat angissusissaat

Poortukkat tamarmik angissutsit taaneqartut qaangersimassanngilaat:

Minnerpaaffissaq: 14 x 9 cm. Poortugaq ammalortutut amilimasutulluunniit isikkoqaruni: takissuseq 10 cm aamma takissuseq + 2 x diameter/ portussuseq = 17 cm.

Annerpaaffissaq: takissuseq 150 cm aamma takissuseq + uuttuut takissut- sip tungaanut ingerlatinnagu kaajallallunili uuttutigisaaq annerpaaq = 300 cm. Poortugaq ammalortutut

amilimasutulluunniit isikkoqaruni: takissuseq 150 cm aamma diameter/portussuseq = 25 cm.

1.3 Oqimaassuseq

Poortukkap poortuutini ilanngullugu oqimaannerpaaffissaraa 50 kg.

1.4 Imai

Poortugaq makkuninnga imaqassanngilaq:

- Aningaasat, check-it angalanermi atugassat, allagartaatit, saffiugassat erlinnar- tut, soorlu platin, guulti aamma sølvi, ujaqqat erlinnartut kiisalu pigisat akisuut. Poortukkat imaat tamakku taamaattoq killilikkamik nalilerlugit Poortukkatut Tammatsaalisatut imaluunniit Poortukkatut Nalilittut nassiunneqarsinnaapput. Allagartaatit paasineqassapput akiitsut allagartaat, aktiat, check-it cross-igaanngitsut, akiitsukkanut uppersaatait, nalilinnut uppersaatait aam- malu allagartaatit allat aningaasanik nalilinnut uppersaataasut aammalu alla- gartaammik tigungminnuttup kinaaneranik uppersaasuusunik allagartaammik tunniussinissamut, allagartaat naapertorlugu aningaasanik akilerneqarnissamut, pigisat nuunneqarsinnaasut tigungnissaannik piunnaqarnermut imaluunniit alla- gartaat naapertorlugu kiffartuussinermik sullinneqarnissamik piunnaqarnermut
- Imarisat ulorianaatillit. Imarisat ulorianaatillit tassaapput akuutissat atortus- salluunniit, ilutsimikkut akumikkulluunniit inunnut, uumasunut, avatangiisinut (assersuutigalugu nioqqutissiornermi maskinanut aamma nassiussanut allanut) imaluunniit angallassissutigisanut ulorianaateqarsinnaasut.

„Nassiussat ulorianaatillit, POST Greenland aqqutigalugu nassiuteqqusaanngitsut” www.post.gl-imi takuneqarsinnaapput aammalu allakkerivimmit ilisimatitsis- sutigineqartarlutik.

- Asiujasut
- Nunap immallu uumasui uumasut, tassani pineqarlutik igutsaat, sullerngit sullineqatiminnik ajoqutaasunik akiuisussat (rovvider), uumasullu allat qimer- loqanngitsut.
- Imassat, qaartartut assigisaallu ilanngullugit.
- Nioqqutissat peqquserlulluni assilisat salloqittaasiillu.
- Inuit uumasullu toqungasut timaasa sinnikui.
- Litium batterit imaluunniit cellit
 - Lithium cellit imaluunniit lithium batterit, atortunut ikkunneqanngitsut ulorinartutut naatsorsuunneqartput taamaattumik allakkatigut nassiunneqarsinnaanngillat.
 - Allakkat amerlanerpaamik lithium cellinik sisamanik atortunut ikkunneqarsimasunik imaluunniit lithium batterinik marlunnik atortunut ikkunneqarsimasunik.
 - Lithium cellit imaluunniit lithium batterit atortunut ikkunnikut, sanaartortup sillimanissakkut amingartumik isumannaarneqarsimasutut oqaatigisai, amingartut, ajortissimasulluunniit, kissatsitseruloorsinnaasut imaluunniit ikuallatsitsisinnaasut imaluunniit qamittoortitsisinnaasut allakkatigut nassiunneqarsinnaanngillat.

Imaasa killissat makku qaangersimassanngilaat:

- Lithiummetal imaluunniit lithiumlegering celliniittut 1 g pr. qaangersimassanngilaat.
- Cellit lithiumionillit annerpaamik annertussuseqassapput 20 Wh cellimut ataatsimut.

- Batterini lithiummetalip imal. lithiumlegeringip batterimi ataatsimimi 2 g lithium qaangersimassanngilaq.
- Batterit lithiumionillit annerpaamik 100 Wh baterimi ataatsimi.

1.5 Poortorneri

Nassiussisup Poortukkap poortorluarneqarsimanissaa akisussaaffigaa. Taamaalilluni nalinginnaasumik allakkerinikkut suliarineqarnerani imaasa isuman- naatsumik illersorneqarnerat qulakkeerneqarsinnaaqullugu, kiisalu poortukkap nassiussanik allanik, POST Greenlandimik allanilluunniit ajoqusiisinaanera pin- ngitsoortissinnaaqullugu. POST Greenland poortuutip misissornissaa pisussaaffi- ginngilaa. Poortukkap nassiunneqartussatut tunniunneqarnerani POST Greenlandip paasippagu Poortugaq isumannaatsumik poortugaasimanngitsoq, POST Greenland naliliinini naapertorlugu Poortukkamik tigusinissaminik itigartitsinnaatitaavoq imaluunniit nassiussisoq uppersaammik atsiqqusinnaallugu, Poortugaq nas- siussisup akisussaaffigisaanik nassiunneqartoq.

Atortut elektroniskiusut, soorlu qarasaasiat, skærminut display-it, fjernsynit, radiot il.il. sananeqarfimmittit poortuutigisaminnik pooqassapput.

Imarisat qajannartut (soorlu igalaamengit/marraat) imaluunniit imerpalasut, poortuutissat POST Greenlandip akuerisai poortuutigalugit taamaallaat nassiunne- qarsinnaapput. Poortukkat imerpalasunik imallit poortuutissaat iloquteqassapput poortukkamik imaanik imerpalasumik tamakkiisumik milluaasinnaasumik.

Poortukkat mianersuutassatut nassiunneqarsinnaanngillat.

1.6 Adressekortit - immersugassat

Nassiussisup immersugassaq immikkut ittoq (adressekorti) Poortukkamut atugas- saraa. Immersugassaq allakkerivimmi pineqartarpoq nassiussisumiillu immersor- neqassalluni. Immersugassat nassiussisussap aqqanik naqitsivigeriikkat amerla- suunngorlugit akiliilluni pineqarsinnaapput.

1.7 Allakkerivimmut tunniussineq

Poortukkat allakkerivimmut tunniunneqassapput. Immikkut isumaqatigiissuteqar- nikkut aammalu akiliinikkut Poortukkat nassiussisussamut aaneqarsinnaapput. Naammagittaalliornermi uppersaasaat nassarneqassaaq.

1.8 Piumasaqarsinnaatitaaffik

Poortukkami tiguisussatut qaatuuliussamut tunniunneqarnissaata imaluunniit nalunarutigineqarnissaata tungaanut, nassitsisoq Poortugaq utertikkumallugu allamulluunniit tunniussassanngorumallugu piumasaqarsinnaatitaavoq. POST Greenland Poortukkap utertinneqartup nassiunneqarnermini akianik utertitsineq ajorpoq. Nassiussisup piumasaqarsinnaatitaaffik atorsimappagu, POST Greenland nassiussap utertinneqarluni angallannerani akisup saniatigut imaluunniit adresse- mut nutaamut suliassap

allanngorteqquneqarneranut suliakkersuummut akiliuteqar- tisisinnaatitaavoq. Akit akiliutillu taamaattut siusinnerpaamik akileqquneqassapput, nassiussaq allakkerivimmit nassitsivigisamut ingerlatinneqareersimappat.

1.9 Tiguisussamut tunniussineq

POST Greenland Poortukkanik aatsineq ajorpoq. Tiguisusaaq allagartamik tunineqartarpoq poortugaq aaneqarsinnaanngortoq kalerriutigalugu. Taamaattoq sullitat immikkut isumaqatigiissuteqarnikkut aammalu akiliuteqarnermikkut Poortukkanik aatsivigineqar-sinnaapput.

Tiguisussap, imaluunniit tigusinissamut piginnaatinneqartup Poortugaq allakkerivimmut tamatu-ma kingorna aasinnaavaa poortukkap nalunaarutigineqarnerani ulloq aaneqarfissaa sioqqullugu kinaassutsimik takutitsinikkut. Arfininngornerit, sapaatit nalliuttullu ilanngullugit aallersinnaaneq ullunik 30-nik nalinginnaasumik sivissuseqartarpoq. Ullut 14-it qaangiunneranni uninngatitsinermut akiliut ilanngunneqartalersarpoq. Poortugaq piffissarititaasut ullut 30-t iluaani aaneqanngippat utertinneqassaaq.

Poortugaq nassiussisumut utertinneqassaaq Poortukkatut umiarsuakkoortutut (B). POST Greenlandip Poortukkat uppersaati- tallit tunniuttarpai. Poortukkat Poortugaasivimmiit tunniunneqarsinnaapput, tassani kodi namminerisaaq tiguisussamut nassiunneqartoq Poortugaasivimmilu atorneqar- tussaq, poortukkap tiguneranut uppersaatiit isigineqarpoq.

1.10 Najukkamik allanngineq

Tiguisussap allamut nuunneq POST Greenlandimut nalunaarutigisimappagu, piffis- sami nalinginnaasumik qaammatinik arfinilinnik sivissuseqartumi Poortugaq ake- qanngitsumik najukkamut nutaamut ingerlateqqinneqartarpoq. Ingerlatitseqqinneq Poortukkatut umiarsuakkoortutut ingerlanneqartarpoq, nassiussisoq imaluunniit tiguisusaaq timmisartukkut ingerlanneqarnissaanut tapimik akiliisimangippat

1.11 Poortukkat apuunneqarsinnaanngitsut

Poortukkat apuunneqarsinnaanngitsut nassiussisuminnut utertinneqartarput. Assersuutigalugu makku pissutaallutik nassiussat apuunneqarsinnaasannngillat: Tigusiumasoqanngilaq, tiguisusaaq najukkami ilisarimaneeqanngilaq, qaatiguu- liornera amigarpoq assigisaalu. Poortugaq utertinneqartarpoq Poortukkatut umiar- suakkoortutut, nassiussisoq imaluunniit tiguisusaaq timmisartukkut ingerlanneqar- nissaanut tapimik akiliisimangippat.

1.12 Allakkerinermi isertuussisusaaq nassiussanillu ammaaneq

Nassiussisup allakkerivimmik atuineri sumulluunniit tunngasut POST Greenlandip isertuussassarai. Pisuni immikkorluinnaq ittuni Kalaallit Nunaanni Ilanngaasari- nermtu oqartussaasunut kiisalu Kalaallit Nunaanni Politeeqarnermtu oqartussaa- sunut tunngassuteqartuni, POST Greenland taamaattoq paasissutissanik taakkunun- nga tunniussisussanngortinneqarsinnaavoq. Nassiussat apuunneqarsinnaanngitsut pillugit pisuni immikkut illuinnartuni POST Greenland pillugu

Namminersornerullutik Oqartussat nalunaarutaanni nr. 9, 24. juni 2011-meersumi allassimasunut ilaasuni, POST Greenland poortukkamik ammaasin- naatitaavoq.

Poortukat tigusisussamut tunniunneqarsinnaanngitsut uterfissaqanngitsullu nas- siunneraniit qaammatit 12 qaangiuppata aserorterneqassapput.

1.13 Akit

Akit qaqugukkulluunniit atuuttut allattorsimaffiat www.telepost.gl -imi aammalu allakkerivinni takuneqarsinnaapput.

Akinik allanngortoqartillugu nunatsinni tusagassiuutit aqutigalugit tamanna pillugu ilisimatitsisoqassaaq.

1.14 Akiliineq

Aki nassiussassamik tunniussinermi aningaasanik akilerneqassaaq nassitsisoq akiligassarsinissamik allaganngorlugu POST Greenlandimik isumaqatigiissuteqarsi- manngippat.

1.15 Taarsiissuteqartarnek

POST Greenland Poortukkap kinguaattoorneranut taarsiissuteqarneq ajorpoq. Poortugaq tammarsimappat imaluunniit ajoqusersimappat, imaluunniit Poortukkap imai tamakkiisumik ilaannakortumilluunniit aserorsimappata, ajoqusernerannut taarsiisoqassaaq 2.500 kr.-it tikillugit angissusilimmik. Poortugaq tammassagaluarpat porto utertinneqassaaq.

POST Greenlandili taarsiisussaaneq ajorpoq tammarnera innarlernaluunniit nas- sitsisup kukkunerippagu, nassiussap qanoq iluseqarnera, qajannartumik poortorne- qarsimappat imaluunniit pissutsit POST Greenlandip ingalassinnaanngisai atuuppata kingunerilu POST Greenlandip pinngitsoortissinnaanagit.

Ajoqusernernut takoriaannaanngitsunut taarsiisoqarneq ajorpoq, aammalu taar- siisoqassanani atortut elektroniskiusut nassiunneqarnerminni puussaviinik poor- torneqarsimanngippata imaluunniit igalaamerngit, marraat akuerisaasunik poortorneqarsimanngippata imaluunniit poortukat allanik aserujasunik imaqsarimappata. Iluaqutissanut annaasanut, ujariatsinermut, nalikillinerani annaasanut imaluunniit ajoqusernerup toqqaannanngikkaluartumik kingunerisaanut allanut taarsiisoqarneq ajorpoq.

Poortugaq aserorneqartoq pillugu POST Greenlandimut maalaaruteqarneq, imaluun- niit Poortukkap imaanik tamakkiisumik ilaannakortumilluunniit annaasaqarnermut, ersittumik aserorsimaneranut imaluunniit imaanik tamakkiisumik ilaannakortu- milluunniit annaasaqarnermi maalaaruteqarneq, Poortukkap tigungenerani erngerluni pissaaq. Piffissaliusaaq qaangereersoq maalaaruteqaraanni, allamik uppernarsaatis- saqartoqanngippat, tunngavigineqassaaq Poortugaq nassiunneqarnissaminut tun- niunneqarnermini aserorsimanngitsoq imaalu aseqqukuunngitsut. POST Greenland taarsiisussaajunnaartarpoq POST Greenlandimut piumasaaqat Poortukkap tigungera- niit qaammatit 12-it qaangiutsinnagit nalunaarutigineqarsimanngippat.

POST Greenlandip taarsiissuteqartussaananeranut Namminersorlutik Oqartussat nalu- naarutaanni nr. 9, 24. juni 2011-meersumi malittarisassat aamma atuupput.

Niuernermi piumasaqaatini ukunani, tassalu imm. 1.4-imi aamma 1.5-imi piumasa-qaatinut kiisalu Poortukkanut Tammatsaalisanut tunngatillugu imm. 3-mi piumasa-qaatinut aammalu Poortukkanut Nalilinnut imm. 4-mi piumasaqaatinut, poortukkap imaanut poortorneqarsimanissaannullu piumasaqaataasunik malinninnginnerup kingunerisaanik POST Greenlandip annaasaqaatigisaanut tunngatillugu, nassiussi- soq pisussaavoq POST Greenland qanoq ittumilluunniit annaasaqatsaalissallugu. Tamakku saniatigut Kalaallit Nunaanni eqqartuussiveqarnerup malittarisassai nalin- ginnaasut malillugit nassiussisoq taarsiisussaataavoq.

1.16 Maalaarutit

Nassitsisup tigusisussalluunniit POST Greenland Poortukkamik ingerlassinera pillugu maalaarutiginiaruniuk, maalaarutini najukkami allakkerivimmut tunniussimassavaa nassiussap POST Greenlandimut tunniunneraniit qaammatit 12-it qaangiutsinnagit. Allakkeriviup aalajangernera POST Greenland, Qullersaqarfik, Postboks 9999, 3900 Nuummur ingerlatinneqassaaq aalajangiiffigisassatut.

POST Greenlandip Qullersaqarfiata aalajangernera Naalakkersuisunut maalaarutigineqarsinnaavoq. Inatsisartut inatsisaanni nr. 3, 15. april 2011-meersumi § 22 naaper- torlugu aalajangiinerup maalaarutigineqartup tigungnerata kingorna sap. ak. sisamat qaangiutsinnagit maalaarutiginnittoqarsinnaavoq.

2. Økonomipostpakke-t (B-t)

Poortukat umiarsuakkoortut (B-t) Poortukkanut timmisartukkoortunut (A-nut) tunngatillugu niuernermi piumasaqaatinut ilaapput, takuuk imm. 1, makkuninngali allaassuteqarlutik:

2.1 Kiffartuussinermi pitsaassutsimillu anguniakkat Poortukkanut umiarsuakkoortunut (B-nut) anguniagaavoq, Poortukat (B-t) umiar- suarmut aallartussamut siullerpaamut ilaatinneqartarnissaat.

Poortukat (B-t) allakkanut boksilinnut ingerlasut nalunaarutigineqarnerat postboks- enut ikineqarsimassaaq, Poortukkap allakkerivimmut tikiunneqarnerata kingorna kingusinnerpaamik ullut marluk qaangiutinnginneranni.

3. Poortukat nalillit

Poortukat timmisartukkoortut (A-t) Nalilittut nassiunneqartut Poortukkanut timmisartukkoortunut (A-nut) aamma Poortukkanut umiarsuakkoortunut (B-nut) niuernermi piumasaqaatini imm. 1 aamma 2 naapertorlugit ilaapput, taamaattorli makkuninnga allaassuteqarlutik:

3.1 Imai

Poortugaq Nalilik aningaasanik aamma/imaluunniit allagartaatinik Poortukkami ataatsimi annerpaamik kr. 25.000-nik nalilinnik imaqarsinnaatitaavoq.

Allagartaatit nalingat naatsorsorneqartarpoq allagartaatip nalinga allassimasoq tunngavigalugu.

Allagartaammi aningaasat nalinganik allassimasoqanngippat imaluun- niit allagartaammi allassimasup aningaasat naligisarpiaat assiginngippagu, aningaasat allagartaammi allassimasut allanneqassapput. POST Greenlandip aningaasan- ngorlugu nalingata nassitsisumit uppersarneqarnissaa piumasarisinnaavaa.

3.2 Nalunaaqutsiineq

Poortugaq Nalilik poortukkap saqqaani nalunaaqutserneqassaaq „Værdi”-mik, imaatalu nalinga koruuninngorlugu allanneqassalluni. Naliliussatut allanneqartup Poortukkap Nalillip imarisaata nalinga sinnersimassanngilaa, ajornanngilarli imaata nalingata ilaannaata allanneqarsinnaanera. Poortukkanut Nalilinnut aningaasanik aamma/imaluunniit allagartaatinik imalinnut tunngatillugu naliliussap nalinga allanneqarsimasoq imarisaanut tamatigut naapertuutissaaq.

3.3 Poortorneri

Poortukat Nalillit poortornerat ima qajannaatsigissaaq imatullu suliarineqarsimas- salluni susassaqanngitsunit ammarniarneqarsimanera takuneqanngitsoorsinnaas- sanani. Poortukat Nalillit naqissuserneqarsimassapput lak-iusumik nipittartumil- luunniit naqitsivigineqarsimasumik. Poortugaq Nalilik allunaasamik ungeruserne- qarsimappat, nipittartoq poortukkamut ungerutigineqartumit ilorliulluni nipitinne- qarsimassaaq. Illersuutitut nipitittagaq atsiorneqarsimassaaq.

Nassiussiup akiliilluni poortugaq Nalilik nipittartumik nipititsivigisinnaavaa TELE-POSTCenterimi. Poortukkap Nalillip puuata sinai qalipaasigaassanngillat imaluunniit allagartaligaas- sanatik nipitittakkamik il.il., taamaallaalli allakkerinermi allagartaliussanik nipititsiffi- gineqarsimassallutik. Poortukkanik Nalilinnik nassiussinermi aningaasat aggorsima- sut pineqartillugit, poortorneqarsimanissaat malittarisassaarpoq immikkut ittunik. Tamanna pillugu paasissutissat annertunerusut allakkerivimmi pineqarsinnaapput.

3.4 Allakkerivimmut tunniussineq

Poortugaq Nalilik allakkerivimmut tunniunneqassaaq. Tunniussinermi nassiussi- sup immersorsinnaavaa uppersarsaat immikkoortoq nassiussisup tiguisussallu adressiinik immersuiffissiaasoq, taanna uppersarsaatissaavoq Poortugaq Nalilittut nassiunneqarsimasuusoq. Immersugassiap immersorneqarsimasup tiguisimanagera POST Greenlandip atsiornikkut uppersarsaasissavaa. Naammagittaalliornermi upper- narsaat nassarneqassaaq.

3.5 Tiguisussamut tunniussineq

POST Greenlandip Poortugaq Nalilik atsiortitsinikkut tunniutissavaa.

3.6 Taarsiissuteqarneq

Poortugaq Nalilik innarlerneqarsimappat tammarsimappalluunniit POST Greenland taarsiussaavoq annerpaamik 25.000 kr.-inik.

POST Greenlandili taarsiussaaneq ajorpoq tammarnera innarlernaluunniit nassit- sisup

kukkunerippagu, nassiussap qanoq iluseqarnera, qajannartumik poortorneqar- simappat imaluunniit pissutsit POST Greenlandip ingalassinnaanngisai atuuppata, kingunerilu POST Greenlandip pinngitsoortissinnaanagit.

Iluaqutissanut annaasanut, ujariatsinermut, nalikillinerani annaasanut imaluunniit ajoqusernerup toqqaannangikkaluartumik kingunerisaanut allanut taarsiisoqarneq ajorpoq.

Taarsiisoqarnissaanik piunasaqarneq POST Greenlandimut nalunaarutigineqartus- saavoq Poortukkap Nalillip POST Greenlandimut tunniunneqarneranit qaammatit 12-it qaangiutsinnagit, taakkulu qaangerneqarsimappata taarseeqqusissut atorun- naartarpoq.

4. Nassiussat akileqqaarlugit tigusassat - atorunnaassapput 1-1-2010-mi.

Poortukkat timmisartukkoortut (A-t) aamma Poortukkat umiarsuakkoortut (B-t), Akileqqaarlugit tiguneqartussanngorlugit nassiunneqartut Poortukkanut timmisar- tukkoortunut (A-nut) aamma Poortukkanut umiarsuakkoortunut (B-nut) niuernermi piunasaqaatinut ilaapput, takuuk imm. 1 aamma 2, taamaattorli makkuninnga allaassuteqarlutik:

Aningaasat POST Greenlandip tigusisussamit akileqqusassai kr. 10.000-init amerla- nerusimappata, nassiussaq Poortukkatut Nalilittut nassiunneqassaaq. Nassiussat akileqqaarlugit tigusassat annerpaamik akiligassartaqarsinnaapput 25.000 kr.-inik.

4.1 Nalunaaqutsiineq

Poortukkamik Akileqqaarlugu tigusassanngorlugu nassiussinermi nassiussisup immersugassiaq immersussavaa allallugu nassiussisoq tigusisussarlu, kiisalu tigusi- sussap akiligassai aningaasat angissusaat.

Poortukkami Akileqqaarlugu tigusassami adressep allaffissartaani allanneqassaaq „Postopkrævning”, aningaasallu akileqquneqartut poortukkamut immersukkamullu kroninngorlugit allanneqassapput.

4.2 Allakkerivimmut tunniussineq

Poortugaq Akileqqaarlugu tiguneqartussaq allakkerivimmut tunniunneqassaaq. Tunniussinermi nassiussisup immersorsinnaavaa uppernarsaat immikkoortoq nassiussisup tigusisussallu adresseanik immersuiffissiaq. Taanna uppernarsaatis- saavoq Poortugaq Akileqqaarlugu tiguneqartussatut nassiunneqarsimasuusoq. Immersugassiap immersorneqarsimasup tigusimanagera POST Greenlandip atsiornik- kut uppernarsaasissavaa. Uppernarsaasiussaq nassarneqassaaq malaaruteqartoqas- sagaluarpat.

4.3 Piunasaqarsinnaatitaaffik

Poortukkami tigusisussatut allassimasumut Poortukkap tunniunneqarnissaata ima- luunniit nalunaarutigineqarnissaata tungaanut nassitsisuusoq piunasaqar sinnaati- taaffeqarpoq, poortugaq tigusissusamut allanut allanngortissinnaallugu imaluunniit tigusisussap akiligassaasa aningaasartai allanngortissinnaallugit, akilersinnagilluun- niit, tunniunneqartussanngorsinnaallugit. POST Greenland Poortukkap utertinneqartup nassiunneqarnermini akianik utertit- sineq ajorpoq.

Nassiussisup piunasaqarsinnaatitaaffini atorsimappagu, suliassap allanngortinneqarnissaa pillugu POST Greenland nassiussisoq akitsuummik akiliute- qartissinnaavaa.

4.4 Tigusisussamut tunniussineq

POST Greenlandip Poortugaq Akileqqaarlugu tiguneqartussaq tunniutissavaa akili- gassartaata kiisalu akiliutigisap tigusisusnaanut nuunneqarneranut akitsuutip akiler- neqarneratigut.

4.5 Taarsiissuteqarneq

POST Greenland poortukkamik Akileqqaarlugu tiguneqartussamik tigusisussamut tunniussippat immersugassiami nassitsisup allassimasai aningaasat akilersinngit- soorlugit, nassitsisup piunasarinnaavaa aningaasat pineqartut POST Greenlandimit akilerneqarnissaat. Aningaasat annerpaaffissaraat 25.000 kr.-it.